

傳
經
堂
詩
鈔

傳經堂詩鈔卷九

己亥五月至十二月

蕪湖韋謙恒慎旃

奉使滇南川京華諸同志

七年前記留鴻爪萬里重看試馬蹄舊跡已拋春夢外
新恩又過夜郎西關河歷歷猶能說父老依依好更攜
獨悵故人成小別秋來孤負月如圭

行次保陽夢方恪敏覺而有作

萬里路伊始行行來保陽中夜憶疇昔信宿在節堂慷
慨論世事豁達申衷腸知已不易得九原空茫茫歌枕
忽成寐有客立我傍平生師友間望之頎然長相見無

俗情怪我鬢髮蒼謂我顏色好意氣逾激昂問公今安
在一別十載強公言我差樂山水聊徜徉歡笑如曩時
瑣語難具詳忽聞晨雞唱夢覺增徬徨我思公爲政不
柔亦不剛指揮何從容綱舉目則張上於

國無負下於民無傷至今畿輔氓戶祝猶未忘公魂雖
已歸時或顧此鄉臨風獨灑涕爲公酌椒漿

趙州茶亭

炎官火傘覆征車亭午聊憑樹影遮忽覺胸中滿冰雪
清涼一盞趙州茶

彰德道中遇浦觀察蘇亭同年自蜀入覲

頻年銜

帝命軍實賴持籌誰料西川使重逢古相州

蘇亭以河南觀察奉

命之蜀中

漳河千里急燕樹五雲浮此去

天顏近懸知告遠猷

湯陰岳忠武廟

將畧千秋未易期湯陰城畔鎖遺祠十年功敗垂成日
三字冤沈具獄時父老中原空涕淚君臣南渡正恬嬉
漳河流水聲嗚咽應爲忠魂萬古悲

自汲縣至新鄉水漫失路乃舍車登舟二首

驛路俄成上水灘衛州今日太艱難秣苗搖曳青如許

却作蕭蕭荻葦看

荻苗高者六七尺土人云水退尙可有收也豆穀則別須降種矣

土銼茆檐已半傾哀鴻無數可憐生一聲欸乃穿林出
人在垂楊樹頂行

鄭州

一鞭遙指鄭州南六月行人渴不堪底用更參蘿蔔大
井華新汲正清甘

新鄭縣

邑小民偏古熙熙百里間風迴溱洧水雲滿具茨山犬

卧深村靜鷗眠淺渚閒遺碑重拂拭猶有淚痕斑

祖先

新鄭多惠政鄭人德之建祠立碑壬辰過此曾題詩碑側

晚次樊城二首

朝發黃郛聚

新野地名見續漢書

暮宿漢皋曲不見縮項鰻但見

鴨頭綠

行盡中州道平原任馬蹄言過漢川上遙見夕陽低喬

木思南國新聲聞大隄從茲無軌轍犂硯半山蹊

過樊城則

多山路不能車行也

襄陽懷古

暫解征鞍試酒卮滔滔襄水暮雲垂月明何處銅鞮曲

山好空留峴首碑至竟東南歸鎖鑰更誰江漢采風詩

仲宣才調堪千古獨向荒烟問井眉

宿宜城同孟侍御蘭舟同年作

到處行窩似舊巢年來三宿此堂坳
夜涼忽送荷香到風細時看竹影交
把臂宛同冰映雪論心真比漆投膠
一尊孤負宜城酒惟有詩情未肯拋

宜城醪見周官酒正注余久斷酒故

云

荆門道中作

峴首山前水乍平幾家婦子怨咨生
今日虎牙關外過柳陰偏有桔槔聲

襄陽水漲初退荆門則有灘水灌田者蓋其地獨高也

澧州卽目

烏桕樹多臨淺水紫荊花半帶斜陽
風光觸處堪遊目

不耐重尋九畹香

六月二十二日武陵卽事

是日爲余
六十初度

問津重向武陵來曾見紅霞覆綠苔
驛館輿臺多面熟京華兒女正顏開
纔周花甲敢言老空夢長庚愧不才

余始生之夕先考得吉夢
嘗以告余故借用李太白事
多謝故人情意厚冰桃雪藕映瓊杯
賀文胎帥府堅欲爲余開燕
固辭乃止仍以珍果見貽

桃源洞

不待桃花水仙源路已通黃雲千頃外

洞前皆水田一望黃雲可期大

有翠竹萬山中洞古門常閉僧閒夢亦空
片時茶話好

轉惜去悠悠

桃源道中卽目

一入桃源便欲仙，聳身終日在雲烟。
團團山徑如螺旋，曲曲行人似蟻穿。
萬疊松濤臨絕壁，幾家茆屋傍流泉。
天然粉本誰收得，合藉荆關妙手傳。

界亭驛雨

山深成雨易，今夕又滂沱。
六詔路猶遠，五溪雲奈何。
似驅煩暑退，翻帶濕烟拖。
來日秋風起，應知爽氣多。

明日立秋

沅陵道中

獅子坡前路更西，誰家雞犬隔前溪。
四圍山色迎人面，百道泉聲送馬蹄。
穠穠亂堆秋雨暮，松杉斜插晚烟低。

最憐嶺斷峯連處一綫羊腸望欲迷

謁馬忠成侯廟

蠻烟瘴雨獨含愁銅柱功名竟已休上馬猶聞誇矍鑠
何人偏爲賁淹留明珠薏苡空疑謗秋水芙蓉好薦羞
試問毒淫五溪上更誰廟食占千秋

辰州二首

辰州南去接諸蠻踏徧丹崖翠巘間風景黔中堪舉似
一分田外二分山

三萬牙籤秘閣懸幸從天上識鄉媛山深尙有遺書否
更欲重探二酉巔

題懷化驛壁

窗外蛛成網階前草作茵山深行客少閒煞抱關人

奉寄李又川中丞

星輅西指太恩恩行盡荆南四郡雄送客晚風初颯爽
迎秋新雨正迷濛五溪香草芬芳徧千里嘉禾穎粟同
知道痼癩念民切好將消息報年豐

辰沅之間早稻初登米價大減欣然成詠并寄
黔中諸故人三首

看徧黃雲萬頃連楚山巒巒水濺濺白頭父老掀髯話
斗米今纔直百錢

新穀炊來晚飯香，辰沉一帶滿倉箱。
憑誰細向飛鴻說，此地今年足稻粱。

荆南接壤是黔中，豐歉從來約畧同。
一例可能書大有，先憑紅鯉問文翁。

雨宿便水驛

紛紛蘭芷動秋風，咫尺黔山入望中。
涼意漸看生蟋蟀，雨聲先已到梧桐。
不嫌草具緣村僻，獨喜綢檐爲歲豐。
夜半荒雞催客起，高吟誰識氣如虹。

青谿縣

一片青谿水，波紋似縠鋪。
風帆來渡口，山翠落城隅。
幾

處新禾熟三年舊夢俱此間有廉吏重憶范萊蕪

向聞青谿

令馮高琇以廉靜稱將爲量移不料其遽卒於官至今念之猶怆怆也

鎮遠絕句

舞溪溪外自澄清水石無端相激鳴若得五丁去巉石
人間應已怒濤平

相見坡遇故吏北上

憶昔離亭酒一鍾攀轅何事淚千重那知小別才三載
相見坡前又見儂

飛雲洞坐雨

七年三過此古洞覆蒼苔靄靄雲常在霏霏雨又來僧

雖看漸長山徑恰新開

時方鳩工重葺

暫憇征人足憑闌亦快

哉

都勻張太守遠至清平話舊

聞說公爲政兩歧麥共歌誰知隔雲樹復此對星河許
國心元切承歡樂正多風塵期努力辛苦撫諸羅

雨趨酉陽驛

又騎官馬播州過竟日瀟瀟雨奈何路滑倍知山徑險
秋寒偏覺野雲多溪邊已作銀濤湧峯頂猶看雪練拖
却喜層巒徧霑足好收紅稗飽烏羅

黔中稻田無幾苗人多于山巔種苡

稗以資饗殮雨澤充盈則高阜皆可豐收大有之象也

貴陽喜晴

擁傳重看貴嶺雲晴光今日倍堪欣樓臺好向烟中認
城郭遙從樹裏分故吏定能追召杜諸生誰不媿河汾
余昔延福建張惕庵先生爲貴山書院長能以學行造士故以河汾比之最憐夾道多耆宿
叩杖爭迎舊使君

七月十五日謁諸葛武侯祠

巍巍祠宇枕苔磯銅鼓山前鳥不飛遷客三年重汎掃
名臣幾輩許歸依

曩在黔時修祠旣竣因以九名宦附并定春秋祭儀焚香終古

銷殘瘴檜柏清秋帶落暉底事中元紛賽社至今羅鬼

懾餘威

苗人無不敬侯者故于祠前爲中元會今猶未輟也

振秀軒

欲攬黔中秀征人此暫停經營懷故侶

向與國時齋方伯諸公重葺武

侯祠因構此軒

位置喜疎櫺潭影仍涵碧

涵碧潭在軒前

山光忽送青

當年頻憇息翻似夢重經

習安絕句

犖确連朝陟彼硯習安城外忽平蕪

黔中多山惟安順獨平坦

不知

何處胭脂井欲試東坡調水符

習安有胭脂井炊飯成挑花色鮮妍可愛見田

山藟黔書余欲取其水試之未果

題白水巖觀水亭

黔中神仙區有山乃無水山泉匯溪河僅足成沼沚誰

料白水巖懸流迅如駛珍珠跳空中飛灑及數里水精
簾橫鋪難以尋丈紀靈犀吼天外白虹飲澗底不識幾
千折來自萬山裏昔年頻往還茲亭未及倚駐馬發長
吟操觚殊率爾

壬辰夏曾賦
七言古詩

見大水必觀凭闌益心喜

升高以望遠奔濤震兩耳始知地脈靈其水又如此

積雨初霽遂自阿都田老鷹巖至白沙驛

踏徧羊腸路重過馬乃營地形從古險天氣偶然晴佩

犢風全改呼豨調自成

聞苗歌都不可曉大抵如古
樂府之如呼豨自成節族耳新

禾看漸熟百室定能盈

庚戌橋

橋爲鄂文忠制軍時建
以雍正庚戌年成故名

懸崖千仞水湯湯庚戌橋留惠澤長可惜緋衣誇相業
經營只在午橋莊

霑益州早行

交水城邊路居然似掌平山隨烟樹遠泉抱郭門清時
有笳笳過頻聞輾轆聲如雲秋稼滿攬轡不勝情

馬龍州象塚

并序

天啟乙丑水西安邦彥蘭州奢崇明糾霑益烏蒙
犯滇人無關志至馬龍州一象卧深塹突出噴泥
水作雲霧賊勢披靡將士乘機破之象中毒矢出
鏃餘三升死滇人爲之立塚

何處得神象噴來水氣昏霧騰非豹隱雲卷欲鯨吞猛
力思擒獲孤忠直過責誰能知翦逆爾獨解酬恩萬鏃
身先冒三軍舌盡捫肯隨貔虎列羞與鸛鵒論勇烈諸
羅却英風亘古存峩峩見高塚我亦薦芳蓀

重過海潮寺老僧猶相識

佛樓曾記倚闌頻別久方知夢裏身不料木樨香又動
老僧偏識舊詩人

七載陳人此再過風容色澤近如何禪心詩思還依舊
只有飄蕭白髮多

衡鑒堂示諸同事

五華山頂暮雲深怕見秋林葉易沉敢以蒐羅誇老眼
祇愁莽鹵負初心別風淮雨譌應辨月窟天根義可尋
漫道遐呶才士少從來砂礫有精金

寶雲亭卽事

昨宵風雨催重陽秋山一夜黃花黃今日晴雲向人媚
重到昔年觴詠地方池幾曲環孤亭檻邊荷葉猶青青
碧水紅蓮憶往日寥寥故侶如晨星萬里無端來復去
雪裏飛鴻不知處升沉聚散總如斯此理年來已深悟
尊中酒滿我不辭止酒無如戒獨持唯有高歌永今夕
月光燈影籠花枝怱怱可惜將離別故人爲我愁風雪

碧鷄山色何能留板橋

地名滇南第一程也

明日秋蛩切

普安州道中作

上寨雲連下寨浮

上寨下寨二地名

亂山圍處見雄州絕憐竹

翠松蒼裏一樹深黃柿葉秋

老鷹巖

何年脫鞵去聊舉入晴空爪距皆成石盤旋不藉風五
丁開鳥道萬古闢鴻濛直上層巔望巖疆信足雄

毛口渡河

忽湧雙峯峙聊憑一葦航林苗分黑白

永寧州以下有白苗黑苗二種

木葉半青黃溪廣流偏急秋深氣漸涼

毛口獨熱五六月間瘴氣時作

秋深則涼爽矣
平生筮貞吉何處不康莊

往來阿都田戴春塘太守皆自郎岱以清泉見

餉

盜泉不可飲惡泉安可嘗茲鄉水土劣氣候乖陰陽近
雖瘴癘盡餘毒猶必防焚僮汲枉渚欲飲增徬徨太守
能愛客一斛儲天漿去時勞遠致來復相貽將篋中有
龍團淪以蟹眼湯清甘到舌本灌我冰雪腸縱無瓊琚
報厚意何能忘

鎮寧州道中卽目

安莊坡已過一笑對斜暉

安莊去鎮寧十餘里上游至此則坡陀漸少故有過了安

莊坡入馬笑
柿葉紅成隊
松林碧更圍
牛羊訛寢適鴻

雁稻梁肥試看豐年樂家家正授衣

清鎮縣晴

送盡秋風陣陣鷗忽看晴色透窗紗年時記聽三春雨

乙未三月督兵赴川階畔猶餘九日花不用戍樓添畫

往來此間皆值時雨

角却欣村舍有連耒來朝便到黔山下父老無勞望眼

餘
咂酒歌并序

苗俗以秣米釀而不用水封甕口埤窖中越數月
始開注以清泉親朋席地插蘆管啐飲故名咂酒

懸竿於上綴小旗酒滿則旗倒矣必吸盡而竿始
直既盡又以水注飲者自豪往往易醉曩見賓客
共飲今乃補爲此歌

儀狄云亡杜康死麴蘖誰堪作知己如何狎獍狔猶儔

新意獨出清且旨秫田逢年幸滿篝閉門思爲良撈

苗語

飲酒也

謀釀成不用糟牀壓但將丸泥封瓮頭歲晚從容

翦新韭願上阿包阿蒙

苗語父母也

壽賓朋雜遝瓮初開清

泉注處皆醇酒一竿斜插颺春旗咂來蘆管醉何辭酒
旗纔蠶斟仍滿春風不許更低垂柴桑枉解將巾遮醉
飲寧知歡趣足爲語蠻方有醉鄉敢以新謠紀風俗

雪厓洞

黔中洞壑時時見隱秀吾尤愛雪厓丹竈何從乞靈藥
洞前呂祖閣相傳曾煉丹于此黃花偏解媚秋懷重探曲徑途猶熟斜
倚雕闌景倍佳故吏已知動吟興亭前筆研早安排

龍里道中二首

又從谷脚

地名

別離新絡繹官橋執手頻回首雪厓雲一

片昨宵燈火已前塵

十月山容只似秋丹黃染就葉仍稠分明小李將軍畫
送與歸人陸賈收

天生果

并序

葉如石榴果如天竹叢生田野經霜乃甘相傳諸
葛軍士至黔乏食賴以療飢故稱救軍糧黔中所
在多有餘惜其名不雅馴乃以天生果易之
火齊忽成叢霜寒處處紅種寧天竺至葉訝石榴同聞
說供軍食須知本化工嘉名應可錫採向夕陽中

牟珠洞

并序

洞在貴定縣西十五里縱橫可丈餘自西北隅入
深黑不可見籠燭然炬乃知窈窕幽邃觸目靈異
石壁皆五色隱隱有仙佛形大小塔無算石鼓石
鐘石木魚扣之各如其聲悉山泉滴瀝而成行三

里許則水氣噴涌燭炬盡滅不可復進矣向未及
遊茲乃見所未見益歎黔中幽勝探之不盡也

造化憐遐荒山川特奇妙乃於石腹中豁然開與突望
之儼方壺十笏本天造一轉入幽深羲娥所不照幸藉
佛火明列炬始可到細溜滴巉巖化作衆靈貌面壁何
清癯倚杖或微笑不知幾萬劫示現來絕徼空中蠹浮
屠可以供祀掃大鼓小鼓懸逢逢出微竅更有鐘魚形
扣之聲畢肖曲曲如蝸廬凜凜似雪簪一串牟尼珠竟
爲我所盜未能躡天根庶幾挾地與水湧風忽來俄頃
息衆燭入坎旋出坎仰天獨長嘯笑對人天師稽首宣

佛號誰能此結夏願爲來者告

黃平州道中

忽覺晴光到眼中一鞭遙指播州東
天公爲我添詩料看徧霜林十月紅

重題飛雲洞六言四首

春絮離離欲去秋雲黯黯仍留可惜羣仙宅裏不教坡老同遊

山後練懸千尺巖前翠湧三峯拄杖不嫌獨往倚闌合到高春

蛟螭欲動鱗甲師象直見鬚眉如此神工鬼斧書生刻

畫何爲

天上濯來銀漢人間幻出蓬壺直欲衆生無垢肯教片

石含污

聞巖性好潔有不潔者宿此必以瀑水洗之

玉屏舟中竹枝詞四首

迴首黔山萬疊青飛鴻無數送歸舲灘河却怪忙于箭

一夜人先到玉屏

雙槳搖來一葉輕一灘才過一灘迎山頭底事頻瞻望

知道儂船是倒行

麻陽船下水皆逆行故云

山程犖确苦攀躋片艇無庸費馬蹄兩岸畫眉聲不斷

不曾聞道鷓鴣啼

山容如睡晚烟籠一帶楓林分外紅買得玉簫空在手

教誰吹向月明中

玉屏竹製簫最佳故亦名玉簫

沅州灘行卽事

何年星忽隕終古石難平

灘名滿天星蓋溪中皆亂石也

如此灘聲急

飄然畫艇輕雲連三楚遠山入五溪明我欲尋沅芷誰

知今夕情

洪江夜泊

闌闌紛紛亞碧溪三層樓上晚烟迷一聲絃管穿雲出

歌吹分明似竹西

上水船皆張帆舟子頗有羨意書數語示之

我從西南來風自東北至石尤何事欲相阻得毋妬我
涉川利舟人唯覺蕩槳勞却羨來船太快意豈知風師
本無心順逆安能爲人計上水順風下水逆卽是天工
苦調劑只恐揚帆上灘難不如順流登岸易人情恒苦
不知足迷者可以參妙諦

青狼灘禱神詞

灘幾五十里最爲險惡
山上有馬忠成侯廟

自從灘溪放船下篙槳怱怱穿石罅大灘小灘不知名
峭壁懸厓盡可怕昨夜辰州對月華波平如掌浸寒沙
今朝忽見峯巒簇江心亂石張狼牙長年爲道此灘惡
波濤滾滾向空落浪花三尺打船頭往來軀命唯神託

刑牲醴酒不敢遲我侯忠勇千秋知梁松小兒詎足道
子胥震怒夫何爲方今五溪息殘瘴估船絡繹乞靈貺
不願朝南暮北風願偃靈旗收巨浪燭花未炷香霧開
白雲一片神鴉來請保行人皆利涉莫訝山風聲獵獵
直作桃花爛漫看

舟過桃源洞

十月二十四日題大龍驛芭蕉

十月霜林葉未凋荆南風景正天饒誰知著色山看徧
又見王維雪裏蕉

重過江陵

從古衣冠藪重來鼓櫂過江山似相識間并近如何日

暮魚蝦賤霜寒橘柚多迴思瓜蔓水滿地正烟波

六月過此

山水驟至直逼城下驛路皆以舟行田廬無不在水中者今已涸矣

建陽驛夜發

荆門州地

言旋忽逾月山程僅過半薄暮向荒驛霜風撲人面孤
燭照破壁中夜發長歎忽憶出國門榴火正爛漫往來
萬餘里蟋蟀入牀畔轉瞬日長至凜凜歲將晏矯首望
觚棱道遠那可見安得假雙翼一蜚凌霄漢僕夫戒前
路何能更待旦

荊門州懷古二首

躬耕蒙山陽斑衣能養志何處老萊莊蓬蒿空滿地
長官登講堂象山何嶄嶄今日黉壇開誰爲闡洪範

蒙惠二泉詩

象山何蜿蜒彎彎似初月獨含天一精清泉向空發其
源靜且深涓涓流不竭豈惟絕埃塵兼能鑒豪髮筮易
取諸蒙妙旨實超越緬惟陸子靜微言尙未沒

陸子靜
知荊門

軍嘗於此講經學
者稱爲象山先生

本之以養正有始斯有卒吾道多橫

流愛此波滑笏落日照空潭可以清人骨

惠泉與蒙泉其源豈有二誰爲強分別吾竊取其義譬

諸爲學者淺深分次第始則源必澄繼思物有濟請看
茲泉清萬物不能累滔滔晝夜來噴涌寧擇地禾黍正
芄芃均霑灌溉利有孚惠我德嘉名庶勿替

新野縣作

六月中州來狂流正蟲掣荆江尤洶洶觸目爲嗚咽頃
自楚澤歸懸知

帝心結沿村問米價詎敢憚瑣屑撫卹荷

聖慈閭里共和悅今日次白水且喜見車轍長安日以
近諮諏意逾切老農聞使星津津向我說水涸種晚莠
糞殮幸無缺況今播來牟其苗已漸茁聆之心欣然康

年自可決唯望大造仁更降一尺雪

晚次葉縣

何處王喬鳥飛來一望空村墟寒水外城郭夕陽中烟
暝留行客雲遲送遠鴻從來棲遁地雞黍有遺風

滎澤渡河至亢村驛

廣武山前濁浪浮一帆晴日送扁舟朔風凜凜催冰合

大水茫茫入海流鷹隼獨知原野樂

時見臂鷹
出獵者

雁鴻偏

爲稻粱謀最欣麥隴新苗苗好把豚蹄祝滿篝

新鄉道中曉雪

昨日渡大河朔風何太猛我知天欲雪先以寒威警入

夜風頓息支枕聽漏永開門忽心喜積雪沒古井客行
尙霏霏飛舞意逾遲四山皆空明塵氛悉已屏夜氣生
澄懷曉光眩清影惜彼高眠人安知此佳境憶我衛州
來其占凶滅頂星輶不能行城根上輕艇打槳至新鄉
田廬雜黿鼉觸目多流離至今我心恟

堯舜已博施猶恐困未拯惟期天降康兩岐徧萬頃我
雖賦行役願爲民命請三白自茲始道路頻引領迴頭
語僕夫莫憚風雪冷明年麥秋至好喫大炊餅

鄴下至日

去時夏半來冬半萬里郵籤敢暫休却向中原逢日至

聊從鄴下朔風流建安才子真無敵天下英雄太可羞
不耐更尋銅雀瓦獨吟殘雪對荒邱

邯鄲絕句三首

又向邯鄲道上過兩行衰柳任婆娑月明何處人彈瑟
愁絕新聲奈爾何

趙家當日綺羅堆年少何人走馬來獨倚寒烟尋廢館
一痕殘雪見叢臺

一映繁華枕上成百年身世付浮名夢中占夢真堪笑
遮莫瞢騰過此生

傳經堂詩鈔卷九終

傳經堂詩鈔卷十

庚子至癸卯

蕪湖韋謙恆

余以怡園廢址有松四株適構小亭

側顏曰四松并栽花樹二十餘本與友朋賦詩
其間尋爲他人所得賦詩一篇示諸同調

廢圃積瓦礫園門無人開我來見長松蒼翠埋蒿萊昂
昂四君子可以寄我懷相依有介石磊磊亦吾儕呼童
亟埽除灑然風日佳孤亭尙樸素昕夕聊裴回種樹師
秦駝紅紫徵妙材觴詠得數子脫畧忘形骸誰歟竟耳
食鵲巢鳩欲來人生大千界行止與時偕食息隨所遭

何能巧安排浮屠不三宿至理堪微猜請看丞相府曲

水依樓臺寧知一再傳質劑已屢裁

此屋三易主而至余皆以五年爲斷

唯余僅居年餘耳

我居况年餘何妨任遷推所歎十八公勁節

難追陪吹笙夢松風自哂非仙才人失復人得於我何有哉

徙宅有日矣而四松亭前手栽桃杏驟開湯成
二絕

紅紅白白門芳叢一夜爭開細雨中知道主人將去汝
故將顏色媚春風

開徑閒傾酒一杯四松亭外暫徘徊不知接葉成陰後

誰記山翁手自栽

移居聽雨樓施耜堂待御以詩見柬次荅一首

人間最好德爲鄰
休訝年來徙宅頻
桐葉湯聽三伏雨
杏花先得一樓春
幸連席可無殘客
况對門猶有故人
十五年前來往熟
摩挲抄庭樹卽前因
此秋晚中丞居此時每流連日久思之真前因也

層梯相與共躋攀
插柳栽桃且趁閒
半舫居然依罨畫
一拳何異對崇山
論詩爾合凌顏謝
載筆吾真媿馬班
唯有襟期同似雪
劇談須到夜分還

耦堂復疊前韻陸耳山學士陳寶所給諫謝東

君比部金棕亭國博均爲屬和再答二首

何必笙簫動四鄰往來唯有壁牋頻百年雞黍思前約
三月鶯花正好春埽徑最宜文字飲捲簾長對嘯歌人
湧言舊侶晨星少小聚燈前也夙因

嵇呂紛紛好共攀半庭風月正寬閒高樓且喜延新綠
幽夢猶應落故山黃卷堆堪娛老眼白頭人敢說清班
一紙自笑真癡絕每有奇書借復還

褚筠心吳白華陸耳山三學士張涵齋侍講曹
習庵中允秦漪園端崖兩編修陳寶所給諫施
耦堂侍御沈南雷儀部謝東君比部金棕亭國

博同集聽雨樓疊韻二首

同心何處不比鄰况復京華載酒頻
祗有芝蘭堪入室任教桃李自爭春
當頭忽共三更月執手多爲廿載人
記否鐘聲來隔院聞思早悟靜中因

東君偕令弟東墅
曩居法源寺傍聽

鐘山房余與筠心白華
諸君子嘗觴詠其間

壓架藤花正好攀天公爲我媚清閒
半簾且讀無聲書

文文山詩閒雲
舒卷無聲畫

萬里曾看著色山

滇中山
多五色

聚散從來同

幻影聲名何必論官班預期階畔翻紅藥
一石留髡醉不還

新居八詠

聽雨樓

我昔在黔中爲民乞一飽其田多在山灌溉術絕少時

望甘澤垂庶可登萬寶聽雨顏吾軒聊以攄懷抱

黔藩署西

有軒余以聽雨名之并紀以詩

玉堂喜重來卜宅頻擾擾不知日南坊

廢圃孰締造傳聞明中葉甲第插雲表電火三百年古

木雜叢篠唯有斯樓存巋然尚完好勝題曰聽雨誰將

巨筆埽地異名則同一笑堪絕倒造化偶遊戲位置亦

太巧窗櫺面面開萬卷縱搜討今雨兼舊雨相與証吾

道亦知非傲廬雪泥留鴻爪旣已爲地主琴樽肯草草

睠彼同氣人乃爲分飛鳥一別十餘載壯者今漸老長

枕有夙期此願終未了安能長與偕白頭共登眺蕭蕭
風雨聲一牀聽到曉

醉經堂

經是吾家事殘編未敢忘平生何所學老去媿斯堂聚
訟除綿蕞含華黜批糠西京遺矩在曾訪鄭公鄉

古藤書屋

不識何年神物望來無數龍蛇誰料春深如此蒸成天
半朱霞

一架紫瓊高綴千條翠羽低垂祇合花間敷坐不須辛
苦吟詩

得石軒

人生嗜好各有癖王武子馬阮孚屐唯
有海嶽癖更奇千金未肯易一石何人性
癖如米顛忽得怪石心欣然一時歌詠盡
厨顧軒乃與石俱流傳誰知園林屢易主
璫龍之玉衆爭取假山竟爲愚叟移石去
空留軒獨古我來面壁拚重關一拳隱秀
無緣攀石如能言應笑我刻舟求劍真癡
頑

松石間精舍

松小已含千尺勢石低也抵一拳山不知
誰解琴中趣徑合揮絃向此間

萬里松風馬上聞歸來十笏謝塵氛平生夢想陶貞白
丹竈何時對白雲

穠蔭館

碧樹濃陰合蟬聲抑更揚只緣貪蔭美不覺沸斜陽
滿地槐花落披襟體最便南窗聊企腳一枕獨悠然

綠天小舫

樓東餘隙地更有屋如舫四面窗先啟三間舫暫停檻
邊峯疊疊胸際水泠泠爲種芭蕉葉斜連薜荔庭淡分
雙樹碧濃入一簾青好遣煩歎却偏宜細雨聽縱欄堪
比韻薺荀許同馨靜識心頻展開看露乍零已醒藏鹿

夢聊寫換鶯經好事誰攜酒時過問字亭

桐華書塾

新桐初引拂南榮一樹亭亭分外清倚檻便生題句想
繞廬時聽讀書聲花開倍覺香能遠雨過方知碧有情
忽憶故園高百尺萋萋每爲到參橫

九月十日沈雲椒少司馬陸耳山光祿張涵齋
侍講曹習庵中允祝芷塘吳稷堂兩編修集聽
雨樓送吳白華學士督學楚北分得五律二首
已過重陽後茱萸酒尙留故人一攜手落日又登樓白
髮添狂興黃花耐晚秋搏沙容易散相顧不勝愁

江漢茫茫遠東南萬里通衣冠真巨藪詞賦獨雄風此

去接荆壁還期間渚宮盈寧應共樂好奇鯉魚紅

去年奉

使滇南路出荊州江濱驟漲田廬多在水中蒙聖主撫綏民咸得所今聞夏秋之間皆以豐稔告矣

綠天小舫南窗外有巨石五高者六七尺許透

漏皺瘦真尤物也或謂卽從得石軒移此爲題

七言古詩一篇

窗外環立五丈夫昂藏居然七尺軀嵌空瓊瓏得未有
數百年來此石無初疑得石軒中物已爲大力負之趨
何期突兀忽到眼自西徂東或不誣平生夙有愛山癖
方寸橫互五嶽圖石乎石乎太奇特得毋川嶽精靈俱

奈何頻年竟韜匿孰爲膜拜以丈呼亟取井華水千斛
百孔千竅相灌輸不使空罅有塵垢唯餘苔錢如雲鋪
萬物顯晦固有時誰其尸之歸洪鑪前詩孟浪何乃爾
至寶未失徒嗟吁前賦得石軒詩歎其石爲人攫去蓋不知此石卽軒中物也安得
襄陽今尙存相與痛飲傾百壺

丁丑江南

召試蒙

特恩官中書者七人吳二匏徐勇庭皆逝唯余與王述
庵副憲褚筠心吳白華兩學士曹習庵中允五
人在耳而述庵陳臬江右白華督學楚中秋燈

獨坐偶吟東坡歲寒猶喜五人同之句不禁中
夜搔首因用蘇句發端賦詩奉寄并邀筠心習

庵同作

歲寒猶喜五人同官轍無端離別中覽鏡自慚雙鬢白
倚樓唯對一燈紅星河耿耿秋生袂江漢茫茫水拍空
何日尊前懷抱盡劇譚相與吐長虹

桐華書塾曉坐

聞雞常蚤起好景況清秋幸與晨光接還欣夜氣留蟲
聲餘促織花態得牽牛小立梧桐下娟娟露尚流

歸自香山同彭石芝檢討吳漪園編修宿王芥

子方伯山莊

香山山畔晚雲鋪
歸騎惓惓道正紆
迴首却瞻蓬島氣
拍肩忽見輞川圖
頭廳風月談來久
萬里關河記得無
獨媿故人情太重
更煩奴飯馬青芻

重過四松亭故址

我愛四松古況與衆石耦
亭亭真殊姿
硜硜更良友
頽垣著茆亭
庶幾結交久
相於僅二載
乃爲他人有
得失真無端
欲別屢迴首
高臺曲池平
條焉見空藪
松旣摧爲薪石
亦鞭之走憶
昔開平津
華堂列簪綬
歌管沸夕陽
鶯花泥春酒
如何一彈指
其門竟生莠
羅綺早成灰

樓館復失守唯有喬木存名園記誰某一朝盡斬伐削
迹若恐後浮雲本萬變安知判衣狗世事皆夢幻妙諦
能悟否桑下胡戀戀蠶絲自纏糾請破煩惱城慧劍在
吾手

十二月十一日大雪 武英殿退直失足猥蒙
羣公枉問賦詩爲謝

見說石頭真路滑無端失足笑聲騰縱緣冰雪嚴如此
終媿筋骸老不勝欹枕宛同傷脛鶴倚筇差比放包僧
平生畧識安心法方外文殊信未曾

病中對花

不知傾跌有何因高卧居然已
浹旬觀象幸惟夷左股
看花且喜見全身未妨細索檐前笑底用重探戶外春
埽地焚香聊復爾眼中無處著纖塵

歷城金主簿貴州畢節人爲其母韓孺人求節
孝詩

熙朝大化周寰區蒸蒸禮教歸涵濡迺至閨櫓多丈夫
松筠之操何地無憶昔荷

命巡邊隅黔中三載登使車民間幽隱頻諮諏唯恐潛
德湮茆廬芳椒每以彤管書歷城主簿忽詣余仁山苗
裔其真儒自言家在烏蒙居髫髻遂已遭羈孤北堂九

熊甘茹茶忽逢鄰火殃池魚亟以身殉負阿姑厝火竟
保無憂虞格天從來唯中孚青裙白髮七十餘幸蒙
聖主旌門閭願乞巨筆追韓蘇勒諸貞珉永不渝我欲
作歌懸通都繭紙更寫負姑圖豈獨水西彰令譽女宗
千古垂範模

清明寄諸兄弟

一百六日春過半二十五年人未歸楊柳忽驚風習習
松楸空有夢依依獨聽紫禁鶯頻囀遙憶烏衣燕正
飛出郭定知拜先塋酒漿新薦鰯魚肥

吾邑二月鰯魚
初上故墓祭必

用以
薦新

題文衡山鴛湖放鴨圖贈謝東墅少宰

瀲灩清流夜有聲
鴛鴦湖畔晚風輕
何人手割鶩溪絹
寫出波光萬頃明

水鳥呼名到處多
一羣唼唼蹴輕波
不知打槳穿萍葉

誰繼當年阿子歌

樂府阿子歌注嘉興人養鴨兒作此歌

憶昔輕舸入秀州
圖中烟景宛前遊
曾聽一夜桃花雨
春水分明似鴨頭

聞道鄉心感物華
金陀坊外夢偏賒
苦吟欲到南湖去
祇合頻頻展畫叉

再題醉經堂

夙昔抱殘經苦爲求聖諦不憚箋疏煩醞釀入胸次自
從乘輶軒職業各有寄安敢守蠹簡藉口不事事重來
到木天下惟理經筭欣逢

文教隆鄉嬛積中秘遺編東海東皆已不脛至

時以搜求遺書

遂從日本國海舶購得七經孟子考文補遺孔安國孝經傳皇侃論語義疏等書

四庫蕩蕩開

劉畧兼班藝編校資羣才膚末名亦廁挾別在微言穿

鑒戒私智宋儒誠大醇漢學那可廢太息唯白頭炳燭

光足繼茲堂誰所名因之增媿勵但願精華含庶使糟

粕棄元酒雖淡泊飲啜有餘味沉酣六籍中寧知醒與

醉

南海子歸至崇效寺

住持以其師青松紅杏圖見示圖爲諸名流所題詠

鳳城南去草芊芊不許纖埃到鬢顛
策馬纔過飛放泊

南海子元時名飛放泊

扣門聊問辟支禪
黃花翠竹誰能悟紅杏

青松莫浪傳堪笑
鈍根階下漢只將文字作因緣

哭八弟定旃八首

安訊頻聞逸興多
忽傳凶耗奈愁何
可憐半世同憂患
零落先看委逝波

長枕相依對紫荆
呻吟猶記一燈清
蕭蕭暮雨摩挲處

寒漏聽殘夢未成

弟七歲時多疾苦余與共宿輒撫摩終夜

七尺孤蓬夜入吳
爲求靈液訪扁廬
姑蘇城外春如許

獨棟松枝守藥盂

弟十三歲時耳鼻俱閉先考命余攜至吳門就醫兩月始愈

少小辭家賦別離雁鴻聲裏不勝悲紛紛葉落空山外

茆屋秋風我共伊

余少遭多難幾不能存活乃偕弟渡江倚全椒

昏娶貧家百計難幸來健婦耐清寒祇今空竇兒孫淚

三十餘年指一彈

弟廿四歲始娶今已抱孫矣

十載前猶畫舫同誰山湖畔晚烟籠如何一別成千古

不見豪吟吸碧筩

山東使院相依兩年辛卯秋餞之大明湖上

平生嗜酒見天真老去尤於麴蘖親爲問九原差樂否

可能劉阮作比鄰

高樓聽雨夢頻牽每爲凭闌一黯然願汝爲兄我爲弟

他生重與對牀眠

向聞于文襄雨梧書屋藤花極盛茲爲蔡小霞
編修僦居招同羣公小飲花下湯成長句

紫瓊壑架覆蒼苔東閣渾渾傍日開春晚最憐同逝水
花濃何意共銜杯一林忽與雲霞接廿載曾經雨露培
書屋構於壬午
今二十年矣爲問年時頻爛湯幾人能到後堂來

書宋人與先深道先生倡和詩冊後

并序

先生諱許字深道宋時自江西遷燕湖顏所居曰
寄傲軒曰獨樂堂隱居不仕與一時賢士大夫遊
題詠贈荅往往散見他集惜屢經兵燹先生遺文

竟不復存茲從宋人集中錄其酬贈諸作彙爲一冊貽之來者庶先生之高風亮節可以想見一斑卽次東坡題寄傲軒韻敬書其後

栖遁聞我祖秋風鬢未禿避難來江干逃名寄茆屋結交多賢豪閉門謝流俗非惠亦非夷何榮更何辱彈指數百年義馭不停轂每見贈荅篇清芬映川瀆鈔入巾箱中邈尾想初六遺書歎無存高風夢已足庶幾什襲

藏聊爲子孫蓄古墓猶巋然年年奠醺醪憶昔吏部公

親手植林木何日歸上塚櫻桃正新熟

按一統志稱韋某宅注云墓久

湮至康熙年間縣署南半里餘有隙地或欲營造往往有異遂寢先曾祖吏部公得之亦將構別業及掘地

數尺得古碑題曰朱獨樂居士諱深道先生墓乃就其處培高塚且建獨樂祠爲饗祀所

大雨入直三首

一夜傾盆曉未開六街流水濺雕鞍
金鰲橋上如油滑獨爲芙蓉勒馬看

急雨聲中萬柄荷大珠迸落小珠多
唯餘鷗鷺亭亭立翠蓋遮將弄白波

直廬門外水潺潺攜得龍團手自煎
他日應誇向鄉里曾從天上試天泉

八月十六夜聽雨樓對月

樓上亦何有萬卷塞其內遙遙數千年
幸與古人對小

暇輒登眺那復計晴晦今夕秋氣佳浮雲豁駿驄修書
難紅燭心知月可待開牕見蟾蜍澄澈竟無外頓令大
地中忽現光明界朗朗生宵懷燭火應已廢憶昔讀南
華句奇語頗怪月固不勝火郭象詎能解東坡探天根
妙悟振聾聵火勝耶月勝斯理堪默會東坡詩自注莊
子曰月固不勝
火郭象曰大而闇不若小而明陋哉斯言也予爲更之
曰明於大者必晦於小月能燭天下而不能燭豪釐此
所以不勝火也然卒奈何尙友者辨哲窮細碎一隙矜
之火勝耶月勝耶
微明眼底苦卑隘大義無由昭相與卽盲昧胡弗窺太
清容光了不礙倚闌忽低吟夜半息衆籟何處洪鐘撞
敢逞三尺喙

得石軒丁香花下作

花信本不爽欣欣與時偕含苞久欲吐况復春風催我
來長廊下三見繇英開抱此冰雪姿不許紅紫猜似知
白頭翁寂寞寡所諧故爲媚幽獨超然絕氛埃麴蘖戒
雖嚴露坐持空杯聊與相晤語亦足舒襟懷

賣屋行

先生家無二頃田長安幸有宅一廛于時處處庇風雨
兒孫相與依膝前亦知軒窗非吾土差免閒架輪月錢
白雲忽念故山側窰窰未就空涕漣麥舟安敢望將伯
茆屋尙可營新阡身外之物本無有何如併此都棄捐

人生天地皆逆旅詎肯觸境增流連惟有簷前五巨石
璽瓏萬竅含風烟五嶽真形在襟袖不知採自何山巔
每見低頭欲下拜任人呼作襄陽顛徑欲攜之隨我往
庶我與石終爲緣迴思我身尙無著僦居何處容石眠
楚弓豈必論誰得趙璧唯期長見全願留至寶鎮茲宅
質劑佳話他年傳春秋佳日頻速我好與故侶時周旋
日暮退直不能出城乃於靜默寺借宿留贈住
持
不緣散直晚那得到精藍一宿元非偶三乘許細叅鐘
聲清客夢月影透經函何日乘餘暇重聽出世談

偶讀東坡集中子由生日詩忽念七弟崑泉明
年亦六十矣時方館於淮上因次東坡韻寄之
子弟有三人存者僅汝一努力守貧賤幸賴上蒼隲火
滅能修容壽考理可必明年花甲周傳聞益顛實平生
事樸學浮華已早黜五嶽抱夙願昏嫁近粗畢有子頗
能教自協克家吉老兄趨禁廷散直閑一室忽憶淮
海間手握斯籀筆

弟工大小篆
兼善鐵筆

可能來相從把詩同過

日

重陽前一日同梁鐵幢副憲曹習庵侍講集褚
筠心學士茶墨間精舍得筆字副憲爲文莊仲

子吾三人皆文莊所取士也

東籬華欲黃，倏已將九日。幸無風雨來，佳節那肯失。故人不遐棄，論心在丈室。賓主知孰是，意氣堪共質。世舊本情殷，師門爲縷述。停尊憶疇曩，夫子方扈

蹕。辨材資鉅工，次第判甲乙。老眼真無花，家書我夙忤。

丁丑

南巡召試文莊奉

命閱卷一時以爲得

人故文莊家書有自幸老眼無花之語山舟侍講嘗以

示維時荷

殊數拜官者，有七彈指廿餘載。歡聚竟難必，京華僅三人。時時猶促膝，每懷知己恩。百分未酬一，所欣即君貴。才大氣逾逸，頻年賦來句。三楚頌聲溢，邇更愍風紀。百

僚爲震慄退直何所好愛石故無匹嘗於几上觀或從
袖中出酒酣揮長歌光怪發紙筆邸第近尺咫相與若
膠漆脫畧忘形骸談諧任坦率况以文字交未妨蹤跡
密轉眼朔風勁牀下聽蟋蟀瓊幕圍唐花地爐試煨栗
此景良亦佳可以鼓瑤瑟銷寒訂九九雄譚更捫蝨

九日 文淵閣曝書

平生枉說登高會誰向蓬萊頂上登趨直渾忘逢九日
攝衣忽已到三層菊花香遠知何處芸閣書多見未曾
他日茱萸詩盛事好同野老話秋塍

正月十三日松石間精舍坐雨

去年見三白粟烈到肺腑自從改歲來氣候漸和煦惠

風習習吹良辰足容與立春僅十日

正月三日立春

不雪竟已

雨細絲散空中飄蕭拂庭戶以彼松栢姿貌澤心益古
百卉承豐施生意更可睹瞻言在郊原麥苗透疎土忽
得陰雨膏青青若何許明當攜都籃沿村聽鶯語

移居永光寺街僅有屋三楹爲攤書所顏曰春
草山房並東同巷季綱齋中允李春麓侍御

七年三度賦移居但乞安身任所如半榻好風供學道
一庭春草伴修書籠街舊夢誰能憶作室良謀我自疎
賴有故人皆咫尺劇談雄辨許相於

四月二日吳百藥侍讀接葉亭看牡丹三首

一片殷紅映夕曛半庭香氣太氤氲不知雨露經多少
才得花穠到十分

年年三月易離家孤負天香門物華今日東皇真解事
待伊歸後始開花

紅嫣紫姹竟如何廿四番風一霎過簾外忽驚春似海
好將老眼細摩挲

初七日雨後百藥令子漪園編修復飲余牡丹
花下今年花開較晚故有第六句

陰陰夏木罨清池檻外春風又一時髮白偏於花有分

燈紅唯覺酒相宜最憐雨細含情重却喜香濃得氣遲
金帶圍應開轉眼翻階可許更頻窺

薄暮獨遊法源寺

落日動清興招提竟獨遊空堂人影靜曲徑鳥聲幽
栢千年翠茶瓜六月秋憑誰叅妙偈階下一勾留

客至

客自故鄉來燈前作鄉語但言秋水寬一夜神山雨

九月朔見菊憶五年前同耳山廷尉小巖太史
於詒堂官允齋中對菊耳山大醉今小巖旣成
逝者詒堂又以憂去不勝聚散之感輒書此篇

寄詒堂兼索耳山同作

又見黃花照眼新一枝
蕭灑出風塵縱無細雨沾衣袂
已有幽香撲酒鱗
瘳影祇今成獨賞
秋懷誰與更同論
士龍笑疾知何似
可憶當年浣錦茵

恩賜哈密瓜恭紀

瓜真如枕大香味色都存萬里陳
方物頻年拜

主恩包猶從紫塞種
豈是青門兒女分
甘徧燈前笑語
喧

寄秦修撰簪園同年四首

簪園大魁後卽乞養
歸終喪復來京師戊

戌與余分校禮闈旋以疾
去今爲鍾山書院山長

之子非高蹈拂衣歸故鄉抽簪身未老學道日方長至
性師曾閱幽懷託老莊遙知叅易象意得已言忘

十載京華住簞瓢迺晏如未妨空范甌詎肯曳鄒裾座
有春風侶門無熱客車從來同臭味談笑幾曾虛

壁立真千仞巖巖是我師龍頭名不媿虎尾意誰知鑑
以空能朗山緣靜不移論文記疇昔匝月竟忘疲

見說鍾山下經神作楷模浮華袪六代佳士萃三吳幾
輩堪攻錯何人識步趨題詩聊問訊南望獨踟蹰

吾邑崇仙院在小西湖上有綠萼梅一株高十
餘丈花時極盛城西觴詠地也聞道士以遊人

雜沓伐之感而有作

看徧長安錦樣花
高枝不見影橫斜
每思貞白先生宅
便是孤山處士家
春夢已隨塵劫化
寒香翻爲故園嗟
低徊三十年前事
猶喜曾逢萼綠華

奉和石庵先生梅花舊作二首

一肩霜重儘難支
消息茫茫悟豈遲
唯許山頭殘雪暎
任教天外好風吹
酒闌苦憶移根日
夢覺猶思索笑時
幸倚長松同耐冷
心如鐵石幾人知

清姿長抱一條冰
雲母屏風隔幾層
祇覺聲聞非妙果
肯從色相覓慈燈
香浮雪窟堪尋句
月轉山坳合訪僧

漫把人間絳艷比稜稜仙骨畫誰能

傳經堂詩鈔卷十終

傳經堂詩鈔卷十一

甲辰至丙午

蕪湖韋謙恒慎旃

寒食郊行

頻年歸計竟蹉跎又見恩恩冷節過三月風光行處足
六朝山色夢中多試看桃柳春無盡爲問松楸近若何
甚日躬畊傍先塋鶉鴉聲裏任婆娑

示協夢協中

一庭春暖日遲遲忽憶清芬向酒卮藥到膏肓焚券日

先曾祖吏部公病劇命取一篋啟視之曰此皆債券
幾數千兩多不能償者恐子孫追索失吾意乃盡焚之
忽有醫者詣門授藥一丸遂安寢
詰朝霍然延十餘年始捐館舍
花迎戎馬庠糧時

先

祖宰新鄭時

大兵征噶爾丹奉檄治饑晝夜持籌

儲侍不置然弗以絲毫累百姓鄭人德之為建祠立碑

澤農成賦區三壤

泗州水患退報於洞升科胥吏因緣為奸世宗憲皇帝命覈實

先考以訓導佐其役洞悉利弊乃議請分三等為增減大吏納之如法履勘逾年奏入得減歲賦七千兩有奇

深夜投金凜四知

先考分教金壇有溧陽馬氏與金壇丁生為難馬夜袖三百金請號之

先考厲色曰丁無罪吾肯以金削之耶其人大慙去

先德祇今猶未泯他年能

否令名貽

哭吳百藥侍讀

獨將肝膽照風塵月旦羣推顧及倫為問他年數上

舊英雄誰識冢中人

紫薇花下雨如絲握手翻嫌見面遲苦憶曩時知已語

白頭終夜涕交頤

石庵先生以天香深處自製筆見贈

先生運筆如雨風驅使義獻來腕中心手之間叅造化
中山毛穎元無功鈍根欲學不可得齟疑鼠鬚具神力
要把金鍼盡度人傾囊持贈無難色仲將鐵梳製作精
繞指柔疑百鍊成亟磨松烟試繭紙纖穠亦覺姿態生
柰少金丹換凡骨春蚓秋蛇空髣髴安能搦管成游龍
萬里滄溟恣出沒始知用意居筆先神妙豈在秋毫顛
褚期筆精虞不擇同此三昧難言詮先生妙手超諸有
千朵蓮華長在口如何化爲千億身人人都得先生手

洗研次韻

興來親試定瓷盆石友臨風向北軒拂拭半從

天府賜摩挲堪與故人論并華沃處光芒發墨瀋流時
臭味存第一人間消暑法煩囂休聽鵲聲喧

久雨乍晴仍用前韻

連宵頻聽雨翻盆忽見晴光入我軒四海交遊曾幾在
一生肝膽共誰論杜門漸有秋花發面壁差留夜氣存
最是挽鬢索梨棗諸孫歡笑任紛喧

移居篇

并序

宣武門外西南隅故爲冠蓋藪 國初王漁洋朱

竹垞諸名公多僑寓焉自雍正年間地震遂漸傾圯我

皇上特用內帑構屋數百所俾京朝官賃居其月緡視市價不及半且於俸錢坐扣以省輸納之煩余既移居於此感

恩述事輒見於篇

我屋旣已棄藏身遂無所儼居向深巷未足庇風雨月租況日昂時覺追呼苦

九重厯清宮卜吉營棟宇蕩蕩城以西從來盛簪組申命大興作金錢出內府廣廈逾萬間不日已具舉屋

瓦如魚鱗間架縉薄取幸許受一廛于時聊處處擁書
既有地菰花亦有圃觴詠招友朋歡笑對兒女卽茲感
幘幪徘徊在廊廡唯有庭前葵此心堪共語

雨後對月柬初願園編脩

雨足晴偏好欣然見遠峯已知秋欲到忽與月相從潤
入當窻竹涼生隔院鐘來朝動幽興應去采芙蓉

九月十二日集梁鐵幢中丞澹足軒看菊同用
看字中丞詩先就走筆次韻

九日倏已過流光枉把翫曉起有寒色吳綿衣早換閉
戶誦法華盥手取諸觀何從乞醍醐鈍漢頂中灌面壁

同枯僧跣趺冒披慢忽憶華正黃掀髯顏一粲安得餐
落英悠然向籬畔過午動食指故人忽我喚入座皆素
心花光似雲爛惜哉酒戒嚴杯僅大于彈強欲效坡翁
不及蕉葉半次公醒而狂差免三爵亂主人澹如菊新
篇太璀璨良會誠不孤使我反覆看自歎老而禿脫帽
髮如蒜戀戀秋光旁豈惟日至盱涼月照屋檐酒人尙
未散振筆和此詩幽香入豪翰

寄山東學使趙鹿泉太常

苦憶詩人趙倚樓三年不見我心愁
離山湖水清千尺占斷人間萬斛秋

移花栽柳記閒吟壁上殘詩尙可尋不識濯纓橋畔樹

祇今留得幾多陰

余在濟南曾於濯纓橋西種樹十餘本并有但使成陰能似幄儘教留與

別人看之句

宿朱石君閣學寓園卽東墅少宰舊居所謂句

羽山房也二十年前往往信宿於此今少宰督

學吳中愛而不見因成長句奉柬閣學兼寄少

宰

句羽山房鴻爪在門前喬木鎮如斯打包詎止曾三宿

踏雪重來借一枝奴飯馬芻勞地主青松白石印心期

不知擁鼻高吟者記否春明聽雨時

謝人送橘

夢中苦憶洞庭春，奉橘臨來小帖新。
忽訝堆盤三百顆，右軍風味見斯人。

同曹容圃侍御過長椿寺

殘磬一聲動春風，好共過堂前微雨歇。
階畔落花多佛力，竟如此禪心知若何。
魏我金塢在終古，傍烟蘿寺翔於勝。
國萬歷年間有，滲金多寶佛塔乾隆二十一年重修塔在正殿高可接棟。

牧牛圖

細草鋪平岡，飼牛識牛性。寢訛全其天，庶免衆生病。
年年服春犁，掉尾不知苦。欲叅最上乘，相期問白牯。

乙巳初度作

行年六十重過六白髮蕭蕭對玉醪已分道傍成苦李
敢從海上乞仙桃雲龍伴侶多相失冰雪文章祇自豪
錫福幸蒙

天賜杖他時誇說向江皐

正月六日恭與千叟
恩宴蒙賜壽杖等物

題馮星寶方伯潞河督運圖蓋其奉使坐糧時
作也

歲漕東南粟排綱到直沽千艘陳玉粒五日報

金鋪

曩余爲倉場掌書奏凡糧船抵通及交納通
倉轉運五閘人京倉實數例以五日人告囊負

如屯蟻車裝儼聚鳧誰憐轉般急辛苦爲成圖

神倉十有五

通州僅二倉其十三倉皆在京師

使者費持籌古埧連通

惠高城接鮑邱

漕船及歸河卽兌米入布袋袋容一石日役數千人肩負過石壩卽通惠河舟

次由五閘遞運至大通橋始以車送京倉其納通倉者則負袋越土壩入城河舟運至舊南門者貯中倉至新南門者貯西倉城

輓輸愁後至收納肯稽留積貯難如

以內皆車運也

此寧容鼠雀偷

平生論康濟心折小馮君所至能蘇困當官屢奏勲才

堪寄舟楫力獨任紛紜旁午思疇昔喧闐尙若聞

憶昨登樓望帆檣檻外過已知去狐鼠飢忘踏鼃鼃饋

餽三秋速

歲漕米粟自三月至八月必須兌竣令回水次

宣防萬雷多

潞河至天津易

致沙壅故設淺夫利沙其甚淺者又有標夫插柳枝識之俾無壅滯皆坐糧使者督其役

至今潞河

畔鼓櫂更興歌

祝芷塘同年見題拙集推許太過漫成七言十

六韻報之

平生不敢談文字每對寒潭晝閉門廿載同年耐幽獨
一編秋日藉評論誰知放眼從書榻頓爾揚眉向酒樽
腕底蛟螭驚浪湧行間鸞鵲訝雲翻賞奇倍覺中心洽
匪繆能將古義敦忽枉新詩增媚色更因宿好發狂言
趨庭憶昔曾窺管擊鉢當年略滌源濡慙力求祛鄭衛
和平方可叶篋壙五常百行皆根柢八索三墳是本元
直以至情留齒頰但期清氣得乾坤鉛華洗盡梅同淡

毛羽修成鶴共鸞曼衍支離休逞幻鈎聯格磔漫爭喧

黃初風骨吾何敢

斯人風骨類黃初正塘句也

白傅襟期夙所尊

正塘

又謂余詩在香山放翁間殊爲愜然

磨鏡要須如月朗安絃端合似春溫

斯文萬派從真出吾道千秋以拙存何日歸田結鄰里

倡酬相與負晴暄

宿吳漪園編修密雲別業其尊人百藥侍讀與

余爲耐久朋今墓草已宿矣

白檀山外路策馬到城隈庭畔槐如許籬邊菊又開九

原誰共語十載客重來玆重遺詩在臨風讀幾回

讀晏子春秋

獨抱孤忠爲國謀一編謫諫至今留從容宴飲和羹日
辛苦囂塵鬻踊秋萬古誰知千駟馬卅年空擁一狐裘
尼谿何事偏相沮史冊傳聞或異不

效香山體二十四首

致用在六籍非徒摘章句不能爲經神曷不爲武庫
論篤恐色莊心正見眸子微言尙可尋盡以之相士
乞醯取諸鄰攘羊證其父以此沽直聲不足污吾斧

雍也賤人子

見史記

王符無外家古來重門第賢黠空嗟

呀

色美卽斧斤味甘實醢毒吾宗子興氏養心唯寡欲

伯玉行不墮平仲心有三

見孔叢子

雖爲潛聖友妙指當微

叅

言尼山以君子許伯玉而平仲僅稱其善交有微指也

天高鶴可聞水清魚始見俗眼徒紛紛賢愚安足辨

樂羊食其子西巴翻舍麋不忍斯可信忍者終見疑

少年意氣盛老成更事久卓哉齊子奇同載皆白首

進言良獨難時唯當其可舉燭誤亦佳徒薪計乃左

不疑乃盜嫂曾參竟殺人悠悠何足道萬古含酸辛

涇渭流雖同淄澠味自別一任揚其波誰能滑吾舌

萬錢一朝餐百金十家產漢文思何深何曾色亦赧

溫公大布被儉德資雅化何以牧豕翁人或謂之詐

蟻蝨畏湯沐狐鼠避熏灌去惡莫如盡不斷受其亂
十羊忌九牧兩虎必一傷從來易相厄豈獨陳與張
眉山失方叔廬陵刷劉幾公明本相生歐蘇真吾師
寶劍挂宰樹葛帔念風雪古人死生交奈何今斷絕
遺簪不忍弃破鏡猶欲圓白頭吟一曲雙淚如流泉
摘瓜抱瓜蔓煮豆燃豆其何不爲棠棣鄂不相與依
退之好奇藥東坡信道篤試問服硫黃何如食杞菊
琴鶴何必隨牛犢應速買人羨趙益州吾欽龔勃海
鬱林載片石劉寵選一錢漢廷多循吏清節誰能先
欲羸寧惡羣徒羣奈無羸不如保清靜庶遊神之庭

雪後過磴士少宗伯職思書屋枉詩見貽次答
排閤剛逢退食餘半簾晴雪晚風初劇談便抵中山酒
熟計唯宜下澤車知有歸心頻欲動可能豪氣竟全除
相看一笑真癡絕好事時時覓異書

題沈石田古木慈烏圖

老樹何森森輪囷處深谷幾經蝕風雨濃陰蔽山麓羣
鳥啞啞來飛鳴繞其族祝噎聲獨悲反哺報殊速物類
有至性孝慈孰爲督人生歎貧賤雞豚苦不足捧檄爲
親喜滌髓藉微祿奈何鼎食人白雲但遙矚溫清勞夢
寐安否憑筮卜縫衣淚未乾倚閭頻頻蹙縱復遭旨甘

其如逼風燭生別死乃歸往歌來已哭愁聽樹不寧忍
見烏在屋誰能摹此圖用以勵頽俗

送虞錦亭京兆歸老金壇

掉頭忽憶舊烟蘿八十依然鬢未皤傾盞尙愁酒泉竭
問年應比數珠多見傳燈錄金門一任兒孫踏福地從教杖
履過我是人間擔板漢恩恩擾擾更如何

憶昔趨庭初識面碧梧深柳共長吟

先君訓導金壇時卽相識錦亭年

二十九余甫十
七今五十年矣
千秋故紙我無分四海相知公獨深猶
有冰霜留訟閣詎期風雨逼離襟不知五十年同調何
日華陽洞口尋

止酒幾四十年頃與劉雲房中丞吳白華京兆
蔣霽園少京兆祝芷塘侍御集曹習庵學士綠
卿書屋以茗飲與諸公決勝覺浩浩落落真能
得盃中趣也戲成小詩兼請諸公下一轉語

少小有酒癖舉盃輒自豪一飲能數升中夜歌離騷幕
天更席地那顧俗子嘲嚴君限三爵戒勿號且叟使
我中心痒無術爲抑搔唯恐或逾度腸胃空嗷嗷不如
藉智刃永絕翹生交剛制卅餘載墨現已漸消久之近
自然壺樽皆可拋陽和生滿腹

香山詩飲似
陽和生滿腹

洪濛恣逍

遙今夕是何夕忽與酒人遭羣公正拇戰角勝分朋曹

我亦持茗椀不憚攻擊勞日落興未已仰看星月高二
觴雖不進胃中已陶陶無諍得三昧山谷詩酒中無諍真三昧何必
歠醕糟

同曹容圃侍御遊慈仁寺

不二門元大招提尙可尋春雲何掩曖古木自陰森寶
相蔭人海寺有定瓷觀音相傳得之黨幾見孫國牧燕都游覽志鐘聲清客心不
知叅妙果誰悟去來今

慈仁寺窯變觀音像

天人妙相從何來莊嚴兼具慈愍意埴埴之工那有此
造化無端逞遊戲烈火焰中湧金蓮寶冠綠帔現靈異

似憐軟紅太怱怱要人盡登歡喜地我來瞻禮日卓午
非色非空絕思議平生未解忝貝葉迷津往往墮涕淚
安得到處依慈雲八萬四千得了義黃花翠竹本無象
莫尋般若向文字

楊枝曲三首

三月春愁碧水灣垂楊嫋嫋暮雲間風流合伴香山老
一搦腰支是小蠻

肯同桃李鬥繁華合向靈和殿裏誇一片柔情天付與
春深猶恐未勝鴉

銷魂橋畔頻相送臨別依依更幾回若把折腰孫壽比

風前祇好作興儻

欲往崇效寺看海棠不果

一株幽艷贊公房春興頻飛白紙坊聞道猩紅經細雨
便思蠟絲對斜陽鬢絲禪榻情猶在竹枝芒屨嬾未妨
莫笑於花太無分白髭元不稱風光

春草山房燕巢

獨坐空庭雨後天何來雙燕太蹢躅詎尋舊侶穿簾幙
忽定新巢得地偏軟語似憐花壓帽端詳應訝雪盈顙
相逢且復依人海莫憶家山到水邊

爲阮吾山少司寇題尊甫裴園先生勺湖草堂

圖四首

先生官翰林以進經史摺子受特達知典山西鄉試稱得人督學湖南

造士尤有法旋乞養歸講學勺湖嘗著治經日程教學遺規四禮翼注及學約爲一時學者所宗捐館舍後堂毀於水其門人新之

一片泠泠水鬱環抱草堂地疑枚叔宅人說鄭公鄉守

道心彌遠譚經味正長至今遺矩在來者足津梁

自昔稱賢達都從至性來名方尊北斗夢獨戀南陔桃

李三春發松楸五夜哀何人更絃誦庭畔一裴回

江東數

上聲

耆舊風骨最峻嶒鹿洞當年約龍門幾輩登

吟廊看曲曲講席認層層我欲羞蘋藻人師得未曾

弟子悲喬木三年禮數真園林雖漸圯堂構竟重新行

馬門今大椎牛淚更頻相期護松菊終古枕淮濱

偶植秋花以連得時雨爲積水所傷

庭前芳草滋生意略可尋忽憶秋花妍將以託微吟移
根自園官栽培意殊深露灑微澗葉葉依牆陰未秋
花已開紅紫亦成林六月時雨降連宵傾甘霖大田卜
多稼歌舞徧黎黔我室苦窪下積水何涔涔回頭見秋
花離披已不禁始知雨露涯弱質安能任仰看松柏姿
霜雪猶森森况復沐膏澤蒼翠來衣襟因材理必然誰
其窺天心

渟水三日始清溝道水退而花復甦

土潤大雨行先時已可測未雨爲綢繆通利賴溝洫譬
彼血脈流奈何使淤塞水渚與階平浸溺及羣植三日
消未能生者倏將息呼奴爲疏淪積水去頃刻秋花雖
倒垂竹葦掖之直幸逢風日佳依然弄顏色物理有榮
悴扶持藉人力時虧亦時盈調劑乃吾職宣洩計不早
作歌用自劾

聯牀對雨圖爲冶亭園峯兩學士作

翰林學士得雙璧古人誇大小蘇

東坡以元祐元年除翰林學士四年

出知杭州子由代之兩公先後爲學士非同時也

爭似君家鄂不好不教秋夕

雨風孤傳宣定許聯鑣去

時以直省鄉試將有使命

僂直端宜大

被俱祇恐新詩互商略瀟瀟終夜撚吟鬚

妙手誰將骨相傳風流文采兩神仙弟兄直合相師友

行輩無須論後前

詞館例有前後輩故歲及之

桐葉正搖簾額外雁

聲剛到枕函邊玉堂又是齋期近可許論文更拍肩

清秘

堂爲吾輩齋所每致齋輒對牀眠也

奉

使秦中道出安肅示協夢

送爾作吏未半載獨立每爲增踟躕相距雖僅三百里

定省安能晨昏趨忽乘輜軒經所治一笑見爾來前驅

道旁嘖嘖說家慶我念民瘼獨心瞿親民之官良不易

況當孔道頻追呼父老爲言請雨應上蒼降茲黃雲鋪
唯願穰穰能滿家窮檐幸免公私逋我思漢廷重悃悞
月計不足歲有餘刀劍何如買牛犢城社那許憑鼠狐
早夜唯當厘黎庶饑使餽粥寒使襦平生康濟術未裕
一燈相對無良圖不能有益願無損斯言庶幾書座隅
曩嘗示屬吏謂設官皆以爲民必事事有益於百姓
乃非素餐次亦於民無損斯免慙色故卽以此勗之

王廓亭孝廉

發傳

爲余戊子分校北闕所得士

行至正定始知其已下世爲之悽然賦詩四章

兼示其孫亦軒孝廉

定柱

疊疊談經口平生歎此才如何失老友只見小同來

憶昔迎星輅燈前紛笑語誰知不相待修文向何許己亥

五月重之滇南
尚於此相見

白首研六籍七十壯心存琢重名由業聊以慰九原
枕枯非凡材凌霄氣已動願益培其根待爾作梁棟

井陘縣

迴星城畔路犂确不容車雲向天邊插人依井底居雄
關何突兀古道獨赳赳指點談兵處奇謀竟孰如

潼關

四扇潼關啟白雲高與齊人來斗極北秋入大河西
一路鳥聲靜千山樹影低平生殊局趣放眼吐虹蜺

華陰夢七弟崑泉次東坡華陰寄子由韻

落日蒼茫雁影歸三峯指點是耶非
河聲隱隱隨征旆山翠紛紛上客衣
聽雨忽同長枕夢看雲何處故園扉
遙知搔首頻西向細數王程四牡騑

謁寇忠愍祠在華州西門外有石刻遺像

澶淵一戰奏膚功北使猶知問相公
漫道樓臺無地起千秋遺像見英風

相知誰料竟相殘猶饋蒸羊爲勸餐
若憶聖人李文靖

王子明語

知人應信古來難

畢竟雷州死竄奔春風迴首不堪論
柘枝舞罷綾千束

何似深衣獨樂園

邵平里

青門何處故侯家
隱隱秋烟帶日斜
一代金張銷滅盡
居人猶說邵平瓜

祭先河而後海

陝西閬中擬作

望秩分先後
淞流必討源
百川歸溟渤
萬里滌崑崙
典獨崇河伯
儀方及海門
負圖休氣滿
沈璧鉅功存
禋祀三王重
懷柔四瀆尊
金隄維地軸
銀漢躡天根
牛斗槎應到
蓬萊島漫論
更期知務者
吾道識宗元

中秋對月

一片香浮桂影中
團團明月正當空
夢來誰聽鈞天奏
吟罷應呼帝座通
不用管絃開宿霧
略將瓜果作鄉風
京華料得清輝遠
聞說陰晴萬里同

衡鑒堂卽事

官燭燒殘接曉暾
唯愁字細眼先昏
知誰將相科無媿
王沂公言行錄公爲參政或議以進士登科擇堂吏公
曰我朝設此科謂之將相科豈當屈以趨走吏耶衆皆
歎服好共文章事細論風溯周秦有遺格道宗濂洛本
而同源謂橫渠先生豪釐莫訝頻量較只此區區報

國恩

灞橋

一片寒潮勢漸消無邊秋色望中遙不知身是詩人否
秋柳蕭蕭過灞橋

過華州作

已過重陽後秋光更若何白雲千里合紅葉四山多
嶽色留終古年華委逝波無因逢李白把酒一高歌

晚次蒲州

又向河東路關山兩戒分杯中汾水酒襟上華峯雲獵
騎當秋見歸鴻入夜聞西風生樹杪葉落漸紛紛

涑水弔司馬文正公

豐碑十丈表清忠

宋哲宗題溫公碑首
曰忠清粹德之碑

宋室安危仗此

公精力一生盡書局白頭憂國更誰同

夜趨霍州

年來筋力衰據鞍不足用以此歎倭遲靡及每心恐屈指將浹旬攜手別岐雍歸途尙未半兼程倍倥偬日落風漸厲霜壓地始凍翹首望太岳亂山羃雲霧衝寒陟山徑警馳入深弄兩峯向雲插一綫見星送或挽或推之前後羣力共我僕亦旣痛我馬詎敢縱卽次忽四更欹枕弗成夢坐待朝霞升車塵又已動

重過正定作

并序

己亥仲冬歸自滇南適周燮堂大司馬以副憲奉

命督修大佛寺駐節正定遣人遠迎余疾馳相就驢然
道故今燹堂已歸道山重經斯地思之惘然賦詩

二首

團團陳跡近如何七載前曾側帽過記得雪晴風似吼
一鞭飛騎渡渟沱

關河萬里一歸人舊雨相逢意倍親紅杏尙書今宿草
燈殘誰與訴塵因

安肅道中慈航寺示主僧

招提臨古道下馬問山僧欲納三千界須然百億燈慈
航隨處有明鏡幾人能空際天花落

是日微雪 恩恩悟未曾

鈔秦中近詩寄七弟崑泉并題二絕句

老去方知無一可獨餘文字性猶存
幾時夜雨聽蕭瑟
一榻秋燈共細論

敝帚千金會得不飛鴻指爪偶然留
繩樞草舍荒寒甚
漫說能修五鳳樓

傳經堂詩鈔卷十一終

傳經堂詩鈔卷十二 丁未至己酉

蕪湖韋謙恒慎旃

劉少司馬以人日與曹大司農倡酬詩索和率

爾次韻

人日題詩兩故人土牛鞭罷忽兼旬

十二月十七日立春已廿日矣情

深頓覺春無際興到方知筆有神幾番去暗催花信換

一弦驚見月華新東風處處堅冰解吟斷斜陽碧水淪

懷國時齋方伯

平生辛苦學陰何月斧雲斤費琢磨一自龍沙人萬里

誰吟村晚受烟多

余最愛時齋村晚受烟多之句爲得象外趣

二月十二日庭前桃花盛開

今年烟景倍天饒
閏後春先到
柳條多謝東風能着力
小桃爭放向花朝

清明寄諸兄弟

辭家三十載今日又清明
碧草向人長白雲何處橫
鳴鳩添曉思歸雁作春聲
遙識登先壟含愁憶鳳城

吾邑東門外大悲庵
比丘尼照愚嘗爲人講金
剛經且詭言辟穀于是傾動頑
艷布施委積廼大闢廊宇壯麗
日增年八十餘而寂頃聞其庵
不戒於火已化爲瓦礫場矣

辟穀談經記往年一時羅綺太喧闐雲廳霧閣今焦土
何處重尋謝自然

聞錢擇石少宗伯懸車後唯以山水自娛手種
梅花數百株興至時携斗酒出遊今年已八旬
而步履如故見者無不以爲神仙中人也漫成
一律奉寄

五年前已賦歸田八十依然杖履便合受烟雲爲供養
況於水石得因緣携將竹葉探春慣種就梅花索笑偏
爲問大王公識否鴛鴦湖畔歲星懸

金陀園圖二首

園在嘉禾郡城西南隅與金陀坊近岳忠武之孫珂爲勸農使

嘗著書於此鴨
陂樹其手植也

竹徑松亭落眼前谿山真意共誰傳一株鴨脚圓如蓋
猶說王孫手植年

水木清華占越中金陀坊畔又春風不知忠孝兼文采
千載誰如岳倦翁

題趙夢白鐵如意

一雙如意想堅剛鐵漢錚錚孰敢當莫是前身張惡子
不教容易與姚萇

義山題張惡子廟詩如
何鐵如意獨自與姚萇

太學古槐樹下作

鬱鬱古槐樹曾齋所手植不知何年枯偃立講堂側雨

露霑鴻施生意忽復得一朝見葉芽榮滋非人力憶昔
方樂羣誇說向鄉國彈指廿載餘陰濃有佳色慙焉擁
臯比花黃更相卽亭亭似車蓋徒倚至日景迴首青燈
儔升沉理莫測荆零倏過半對此三歎息緬懷談道人
餘陰尙無極

寄居謝東墅少宰海淀別業

多謝園公爲敗扉筆牀茶竈麈相依入門且喜雙槐蔭
繞屋還欣百草園對月好同僧結夏看山合共鳥忘機
華林七錄都看到清福人生似此稀

時覆校
閣四庫全書
文源

雨中退直

火雲方在天忽聞山風至打牕更入戶跳珠濺玉砌疾
起護秘書唯虞縹緲濱薄暮勢未休紛紛策歸騎中途
值田父前村博微醉望雨雨卽來那能不快意翹首向
西山迷濛暮烟際聊以滌煩暑清飈入衫袂

六月二十五日立秋

一葉當階落空庭夜氣清誰知蟋蟀動先已作秋聲

秋曉入直

好鳥催人起簪毫入

禁庭芙蓉花半欽楊柳露猶零山氣當牕入泉聲倚檻
聽蓬萊終日對相與訂遺經

國子監齋次讀書示諸生

又乘炳燭得微明惟有殘編伴此生千古誰知周茂叔
幾人能到鄭康成階前草長秋仍碧池畔荷香夜倍清
倘肯執經相問難不妨時復效鐘鳴

古人未有言學不言問者濫竽數月

不聞下問乃於落句發之誘人苦心不自知其言之夸也

丁丑八月小西湖尋秋至三昧庵題壁忽已三十一年矣昨夜夢至其處壁詩宛然住持出青精飯餉客復成小詩醒而僅記其半遂續成之
書寄羣從使知余魂夢無日不在湖畔也

分明指點江南路一片波光動烟樹鴻泥指爪是耶非

却到當年題字處夢中惘恍太無憑
說法誰然百億燈
何時好飽青精飯拄杖重尋白足僧

八月十四日散直後步月至澄懷園有懷浙江
學使朱石君少宗伯

一丸涼月影層層退直依然興可乘
隔岸便思招野鶴
過橋直抵訪山僧風生竹樹秋逾淨
水接樓臺夜倍澄
不識西湖懸皎鏡尋詩誰共倚枯藤

夜起對月

衆籟忽以寂山月夜更皎攬衣獨徘徊
秋氣入懷抱纖
塵無自來獨立萬物表惻然念羣動何爲太擾擾

憶桂

忽憶當庭桂紛紛樹影多年來花幾許樓畔月如何秋
向懷中得香從袖底過可能偕故侶半畝一雙安

九月二日雨中獨遊長椿寺忽憶汪雲壑修撰
寓興寺鄰今方督學滇中走筆寄之

得閒那肯負年華老去吟詩興轉賒且就鐘魚叅白業
不辭風雨問黃花百千幸接慈燈界咫尺應窺佛海涯
談道故人今萬里幾時親舊更搏沙

睡

少壯好讀書終宵興未已雙睛常炯炯安識睡鄉美儵

忽將七十嚮晦欲卧矣始知佚我夜黑甜有妙理夢所見者真外此皆妄耳

或餉烏鬚藥口占謝之

霜雪盈盈領下垂
皤然甘載已如斯
平生不作瞞人語
更染髭鬚欲誑誰

自題長生瓦研齋

并序

丙午秋使秦將歸而馮魚山戶部適至且遺瓦當一片有篆文曰長生無極謂此甘泉宮故址所得因沃以清泉磨墨其背潤澤密栗視澄泥有過之歸而置之讀書處且顏額曰長生瓦研齋并成此

詩寄魚山屬和焉

去年我作關中行，好古往往披榛荆。先秦古器不可得，
等而下之及漢京。漢京越今幾千載，東西繡嶺烟雲橫。
一百四十五宮館，化爲塵土耕夫耕。當時法物久灰滅，
上下求索嗟吳儉。故人貽我一片瓦，襲以古錦疑瓊瑱。
云是甘泉宮所遺，巋然完好聲錚錚。長生無極篆法古，
團團如鏡懸秋清。弟子敢爲先生壽，香姜銅雀難抗衡。
歸來誇說向同好，傳觀價欲儕連城。研材得此足珍翫，
伴我著書依月明。不知舊雨幾時至，譚經滾滾傾瑤觥。
摩挲終日足娛老，敢希轅固與伏生。

爲鄒曉屏司成題所藏唐六如畫滿城風雨近

重陽卷子

滿城風雨近重陽獨掩柴扉對筆牀
合引故人傾酒碧肯令佳節負花黃
吟成一語秋聲冷寫出千林樹影蒼
畫裏有詩詩有畫箇中消息共叅詳

去年秋手役秦中曹習庵學士送余登車若依
依不忍別及余歸而習庵已督學粵東逾半載
卽遭母喪旋復以毀滅性始知臨岐執手遂成
永訣念吾兩人自辛未訂交幾四十載同聲同
氣相交之深未有倫比春夏間猶屢通音問迺

未周花甲而玉樹長埋安得不淚下如雨耶因
成二詩哭之兼寄王禮堂光祿錢辛楣詹事

肝膽平生共垂垂四十春九原戀慈母三館失詩人送
別襟猶濕題牋墨尙新西牕同笑語唯有夢中頻
等身留著述鬢髮尙青青雲菴招魂處秋籠問字亭不
知前輩謝誰作後生型粉社雙同調能無涕泪零

從子帶湘茂才會隨余滇黔之行比年輾轉依
人備嘗艱苦今春復來相就余諄勸其歸又言
有必不能歸之故忽以痰疾長逝年五十七撫
棺哀號不能無詩時丁未十一月二十二日

策馬曾看萬里雲年來鬢雪亦紛紛入林正喜心重印
隔夜何期手忽分半世騷愁憐爾甚一腔幽憤向誰云
平生獨有家難愛忍泪聊書祭姪文

茂才喜臨池而酷愛余書故云

春浮精舍習庵故居也過之有感

春浮人去葉紛紛花底曾同醉夕暝猶有牙籤堆萬卷
朔風香冷舊時芸

張墨莊總憲輓詩

并序

戊子冬余督學山左與公爲代及由滇黔歸而公
卽退老乙巳春蒙

恩同入干叟宴猶執手道故公年已八十三矣今聞其

歸道山詩以輓之

誰山湖畔水如天
曾送翩翩使節旋
萬里我行過馬乃
十年公去對龍眠
升沈聚散真前定
生死交游結後緣
猶喜耆筵陪杖履
露華濃處見真仙

春寒

二月中和氣漸嘉
東風著意鬪年華
天公要遣春光滿
故以微寒勒杏花

早春獨遊法源寺

習習春風古刹多
欣然執手老維那
恰當示疾聊相問
時主僧
卧病
不待看花竟獨過
電露此生容放浪
烟雲隨地

足娉娉本來面目知何似言下而今會得麼

憶鰲魚

老戀京華卅載餘江鄉烟雨更何如春來第一難忘處
上塚家家薦鰲魚

種榆篇寄江上故人

我從天上乞白榆種向庭前伴日永連宵好雨聽無聲
忽發柔條弄碧影書生說食常津津預想榆錢似鄉井
誰能來此對牀眠爛醉春風同說餅

三月五日釣魚臺卽事

昨夜桃花雨桃花水正生偶然尋勝地聊以暢幽情觴

詠風猶古登臨夢亦清投綸隨處好歸及夕陽明

恩補右中允恭紀

改官猶傍御河東思曼端慙正始風廿載五來芝苑

裏

春坊官有六余自戊子升左庶子壬寅以後一身三官左右贊善左中允今復補右己五任矣

到玉堂中

余以權貴州巡撫創職重玷詞垣今以祭酒銓級復貳春坊仍兼館職皆殊數也

敢將豔體誇文藻唯以頽齡勵樸忠浩瀚

恩波無可報冰淵終日倍忡忡

重過雨梧書屋見藤花有感

東閣當年未敢窺年來頻見紫雲垂不知醉浣車茵者

誰向花前酌一卮

常君殉節詩

并序

君諱紀字銘勳號理齋奉天進士知西充縣有聲
遷知崇慶州金川之役隸定邊將軍溫公幕理餉
癸巳六月逆蠻叛轉掠及木果木君手刃數人猶
罵不絕口被十餘創死於昔嶺

贈中憲大夫祀昭忠祠子承武廕知唐縣

竟以書生能罵賊當年英烈試重論三刀詎足旌儒吏
一劍聊憑答

聖恩空祀桐鄉頻灑淚誰招遼海未歸魂祇今凜凜餘
生氣昔嶺千秋有血痕

鄭秋浦侍御撚鬚獨立圖

半畝桑田屋數楹一池秋水夕陽明不知獨立蒼茫處
撚斷吟髭有幾莖

歸去唯於泉石宜襟懷冰雪許誰知白蓮花畔香偏遠
正是懷人得何時

午牕坐睡次東坡韻

跏趺坐繩牀雙膝懸兩肘此心已寂然此身詎我有不
夢亦不醒非楚亦非久但以神守氣寧勞口與手入定
疑叅禪忘形類中酒俯仰天地間幾人臻上壽賴此葆
清淨津液潤衰朽妙訣從何來希夷遞授受一日當去聲

兩日身心總無垢聊將一瓣香敬爲東坡叟

瓶中芍藥二首

老來偏覺戀春風要遣花光到眼中
買得豐臺三百朶不知高興與誰同

荷山猶記講堂開一片濃香入酒杯
堪笑當年殺風景

不教日日送春來

龔在山東按試曹州芍藥極盛太守日送數百枝幕客競相咨賞偶讀東

坡答林子中詩爲報年來殺風景連江夢雨不知春其
自注云來詩有芍藥春之句揚州近歲率爲此會川花
十萬餘枝吏緣爲奸民極病之故罷此會
因屬太守幸勿再送恐亦以此病民也

題孟通叅小照

秋風忽以至落葉一何深
紛紛紅紫傳離披安能禁清

光懸層霄皎皎生胸襟斯人獨幽寄把卷秋樹陰但期
足水石詎必逃山林亭亭立物表萬慮不敢侵顧彼傾
陽葵可以寫我心誰能壹者來相與彈素琴

鵲異

并序

春草山房西牆外有鵲巢鄰兒取其雛爲玩羽翼
未成也忽墮階畔因於檐前爲度飼以粟越廿餘
日而飛繞堂上時余方坐長生瓦研齋尋復飛至
其處見余迺植植久之似相謝似相別遂翩然去
余歎其異紀以詩

先生危坐方讀書小鳥忽墮我庭隅欲飛不飛苦翼短

不知誰歟探鵲雛呼僮亟爲解其縛無使攫噬遭狸奴
有粟可啄水可飲更於檐畔謀厥居噢咻唯恐德不卒
朝夕保護勤且劬何期羽毛竟豐滿上下求索來吾廬
相見欣然飛且舞感君爲我全微軀天不遣言仰天噪
元微之望雲騅歌色沮聲悲活我之恩敢忘諸從來一
仰天訴天不遣言君未識飯不可忘人既有之物豈殊但願相與安食息報德豈
必環與珠平生濟物本素志救焚拯溺無時無施者無
心更責報受者百計翻相圖嗟彼紛紛下石輩得毋人
而鳥不如

既無塵可洗亦無光可放何人悟水因試叅眞實相

謝易堂助教爲作山水小幅且題句云南宗結
習最難忘日熟香光一辨香試寫春山媚初祖
水深雲碧輞川莊旨遠情深吟諷不足輒次其
韻題於左方

平生邱壑夢難忘春到桃花水亦香他日扁舟徑歸去
憑誰乞得午橋莊

得七弟崑泉書却寄

人生花甲周百年已過半況我將七十夙昔處憂患齒
牙漸脫落筋骨亦慵懶爾年小我四聞頗能健飯顏色

今何如得毋亦小變昨夜見爾來執手倚燈畔令我酒
戒開淋漓滿几案但覺壯盛存那知歲華換夢覺復相
失嗟嗟雞聲亂曉起得尺書臨風再三看略言形容衰
何時一牀伴祇此脊令情詎以鴝鵒怨莊舄爲越吟歸
計吾早斷來秋定抽身峭帆到江岸速栽東籬菊花黃
好同翫

題王石谷畫

一片松濤入夢中萬山深處野雲空人間只合陶貞白
盡日吹笙對晚風

十二月望後飲褚筠心學士茶墨間精舍忽憶

戊戌殘臘筠心齋中盆梅正開圍爐密坐曹習
庵學士陸耳山中丞皆醉習庵墓草已宿而耳
山督學閩中須明年得代始歸曩時文酒之樂
不可復得漫呈筠心兼寄耳山

爾我休論孰主賓白頭相對意逾親祇應明月窺簾慣
忽記梅花索笑頻四海更誰爲酒伴九原何處問才人
放懷合待雲間陸沉醉春風不計巡

二月十八日雨趨西苑直廬時樹堂侍讀朗
歲考功可齋杏江兩編修先至次杏江韻

獨乘驚馬踏山蹊滑滑泥中手共攜肩雨似尋春社燕

衝筵忽鬪少年雞一條冰豈嫌官冷百尺虹寧許氣低
堪笑衰翁更塗抹幾行秋蚓壁間題

法源寺海棠花下作

入門猶記登初地一笑春風見海棠何意去來三十載
不知觴詠幾多場忽開忽謝誰爲宰非色非空已盡忘
唯有看花情未減低徊依舊到斜陽

余三至詞館兩教庶常忽忽二十七年矣邇來
人材輩出而今科尤盛因用東坡子由與孔常
父倡和詩韻簡新先輩冀同聲相應爲一時盛
事云

清美數木天官職亦已古雍雍大雅林詎容不材處憶
昔擁青衾不憚苦吟苦小別三四年行歌聽杜宇重歸
玉堂上舊雨雜今雨英才連襪來騰達如豹虎哀憫媿
牴糠臭味實水乳老馬雖識塗敦學如何補明年
慶典行抽帆逝將去引鴈屬羣公文章作纂組行常用
羽儀聲名煥策府擊輶歌太平盛事期共舉

七十生日示協夢協中

人生七十老而傳在苒誰知及此年萬古綱維歸至性
一家弓冶在殘編貽安每憶先民訓師儉還期後世賢

先考以師儉名堂吾
師王己山先生爲之記

今日過庭親付與書紳銘座可

忘旃

七夕有感

三十年離別韶華委逝波他生成夢幻今夕對星河漸
見兒孫長空憐鬢髮晡夜臺人憶否老泪尙滂沱

枕上作

我年四五十未識睡味好衆務紛然來竟夕期必了卽
曰無事耳一覺殊草草六十頻小變偃息時較早鼾睡
亥子交沉沉直到卯或曰壽者相真氣當內葆今年忽
七十餐飯尙能飽入夜登我牀不知孰爲擾旣無所思
慮亦無可煩惱輾轉不成眠喔喔雞鳴曉欹枕吟此詩

始知吾已老

雨後過芷塘新居芷塘有詩次其韻

獨抱遺經靜拚扉肯因風雨便相違
朱輪畫戟元非分白石青松好共依
吾道自來須冶鑄有生誰不受銜韉
養雞願爾真如木莫憶西湖竟欲歸

蒙

恩復除祭酒恭紀

三入詞垣遇已奇况邀重巽玷臯比親承

天語

恩彌渥說到人師媿更滋豈有文章堪鼓吹唯將經術

作畚菑平生報

國心如昔霜雪渾忘兩鬢垂

孫兒寶善自丙午春隨其父協夢宰安肅河間
轉眼三年今夏協夢量移漕運通判始令其來
侍頗好讀書兼有志於小學因爲燒燭講經義
且諭以窮經自識字始雖吾年七十不憚諄諄
啟迪之廼寫爲炳燭課孫圖併題七言古詩一
首

自忖本非楨榦材鄉里纔堪作教授忽領吏局百不能
講學時時勸耕耨歸來重入承明廬虎闥再至司教胃

日以說經爲公事那知齒豁面生皺燈前書聲何琅琅
孫年十七明日秀幼小卽耽許氏學偏旁點畫勤考究
讀書要當略識字昌黎此言良匪謬阿翁安能老復丁
石室金匱猶可紬願乘炳燭得餘明口講指畫伴宵漏
功名富貴非所期但求六經明句讀庶幾三年通一藝
禮堂寫定賴我後憶昔趨庭傍黉舍鐘鳴不嫌大小扣
先考爲金壇學官曾寫授經圖迨我講易明湖濱二子傾耳侍左右
余於濟南有一時詞人競歌詠未知聞者然與不此圖
秋林講易圖
此詩勿浪傳子子孫孫其世守

題竹林研易圖三首

六畫啟苞符乾坤蘊已足一索得長男號號迺致福唯
能虛其心斯能實其腹妙悟在目前試觀蒼筤竹
理无往不復乃見天地心觀象玩其辭與義可直尋惕
若厲无咎微言貫古今善易者不占吾欲廢易林
程邵久不作道蘊誰能傳仁智隨所見紛紛落言詮六
爻本三才其爲道屢遷知險與知阻何弗說且研

先人旣歸窀穸擬構草舍數椽爲他年守墓計
旋以貲罄而止昨夢上塚則誅茆已就侍二人
歡笑如平生數十年來無此樂也覺而紀之以
詩兼寄七弟崑泉浙中

我欲結茆屋晨昏依墓田因循竟未就日歸知何年升
高望先塋泣涕空漣漣條焉夢飛去仰見神山巔豐碑
列宰樹麥飯澆新阡蕭蕭白楊下有屋三五椽宛轉承
色笑恍若在鄰前我父頭似雪我母未華顛先考年
六十六捐
館舍先母見背
時僅四十三歲嬉戲如兒時相對花竹妍此樂詎有
極誓終吾身焉鄰鐘來縹緲一聲驚我眠逢逢雲何處
極目心茫然題詩寄同氣行役休流連速來成我志携
手柴門邊但求足容膝聊以共粥饘白頭兩兄弟一室
相周旋

同年高明府松泉圖

我愛山上松森立不倚我愛山中泉涓涓流獨泚憶
昔萬里行觸目皆可喜竭來軟紅塵時復入夢裏爾本
滇南人久已隔鄉里方當効馳驅安能戀戀此結習政
難忘遙想故園美畫師真解入雲烟落滿紙曰歸何必
歸聊以寄興耳何地無松風何處無泉水所遇皆適然
相與參妙理

蔣霽園光祿年六十矣招同李笠山太僕王瑤
峯少京兆陳耕岩少廷尉孟鷺洲太常對菊皆
以齒序而不循館例偶憶東坡以鐵拄杖壽樂
全先生生日詩二首因次其韻奉壽並呈座中

諸公

漫從蓬島訪真仙
華髮相攜競問年
我輩三秋情正遠
先生六十道彌堅
花黃祇覺風逾好
酒碧何妨醉卽眠
解得隨緣且常住
一生低誦口頭禪

偶乘晴日得閒身
益益胸懷別是春
遠路定知頻振羽
熙朝無事更批鱗
自慚漸作麤麤態
猶喜常依澹蕩人
他日耆英同與會
不知誰爲轉鴻鈞

三藐庵住持聞長老年九十餘而神明不衰問
其所以養之者曰唯日坐暗室於蒲團上得大
自在耳今重過之而長老已寂漫題二十八字

絕無燈火伴黃昏九十餘年獨閉門何處高僧尋逸老

紅蕉翠竹已無存

可久字逸老居西湖清約介靜晚年送客不踰閭窻外唯紅蕉翠竹及死

蕉竹亦死見咸淳臨安志及武林梵志

七弟崑泉書至言欲北來相視旋以小疴而止
比來眠食如常但行必以杖且不能衝寒耳因
以敝裘一襲寄之

弟兄南北遙相望頭白無由共酒樽四海相知唯爾在
一生同患更誰論對牀安得長聽雨倚杖懸知欲杜門
卅載狐裘聊寄與祇愁敝矣不能溫

題畫二首

滿眼秋雲帶晚風
嶺橫峯側萬松中
濤聲一片茶烟颺
送與江南桑苧翁

不到荆江又十年
重重烟樹畫中傳
誰從驢背尋詩去
莫是襄陽孟浩然

傳經堂詩鈔卷十二終